

Građevinski fakultet u Sarajevu, ul. Patriotske lige br. 30, koga zastupa dekan prof. dr. Samir Dolarević (u daljem tekstu: Kupac) ID broj: 4200287770000 i

„BNpro d.o.o.“ Sarajevo, koga zastupa izvršni direktor Mirmes Bojić (u daljem tekstu: Dobavljač) ID broj: 4201307760002 PDV: 201307760002, Transakcijski račun: 161000109430076 Raiffeisen bank BiH dd zaključuju

U G O V O R O N A B A V C I G E O D E T S K O G I N S T R U M E N T A R I J A – S K E N I R A J U Ć E T O T A L N E S T A N I C E S A P R A T E Ć O M O P R E M O M

Član 1.

Predmet ovog Ugovora je nabavka i isporuka geodetske opreme za potrebe Kupca, po ukupnoj cijeni ponude u iznosu od 52.000,00 KM (slovima: pedesetdvijehiljade i 0/100 konvertibilnih maraka) sa PDV-om, a u skladu sa tehničkom specifikacijom tenderske dokumentacije broj: 04-1-53-23-2/20 od 29.6. 2020. godine i dostavljene ponude dobavljača broj: 026/20 od 14.07. 2020. godine koji predstavljaju sastavni dio ovog ugovora.

Član 2.

Dobavljač se obavezuje da će isporuku opreme iz člana 1. izvršiti u skladu s zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabave i dostavljene opreme. Kupac će utvrditi razuman rok za ispravku propusta Dobavljača u smislu izvršene nabave i za račun Dobavljača. Isporučena roba mora biti u originalnom pakovanju, neoštećena, sa svim popratnim medijima, dijelovima za montažu, odgovarajućim kablovima i ostalim materijalima koji se standardno isporučuju od strane Proizvođača robe. Roba za koju se utvrdi ili se sumnja u trenutku preuzimanja da je oštećena u transportu neće biti primljena od strane Ugovornog tijela i dužnost Dobavljača je da takvu robu zamijeni istom o vlastitom trošku.

Član 3.

Plaćanje će se izvršiti najkasnije u roku od 30 (trideset) dana od datuma ispostave fakture za uredno isporučenu opremu. Plaćanje se vrši putem JR Trezor Kantona Sarajevo na žiro račun Dobavljača broj: 161 0000 109 430 076 kod Raiffeisen bank BiH dd. Dobavljač se obavezuje da će u skladu sa članom 1. ovog Ugovora dostaviti opremu Kupcu, u skladu sa Tehničkim specifikacijama predmetne robe. Isporučka opreme je Fco Kupac. Dobavljač se obavezuje na rok isporuke navedene opreme najkasnije 45 dana nakon obostranog potpisivanja Ugovora. Dobavljač je obavezan izvršiti obuku pravilnom rukovanju opremom koja je predmet ovog Ugovora za najmanje 3 predstavnika Kupca. Svi troškovi obuke su u cjelini obaveza, odgovornost i trošak Dobavljača.

Član 4.

Dobavljač se obavezuje na garantni rok za isporučenu skenirajuću totalnu stanicu i daljinsku upravljačku jedinicu u trajanju od minimalno 2 (dvije) godine. Servis u garantnom roku je besplatan. Tokom trajanja garantnog roka, Dobavljač će u utvrđenom roku o svom trošku ukloniti nedostatke koji se pokažu za vrijeme garantnog roka ili robu zamijeniti novom. U slučaju zamjene robe novom, garantni rok na tu robu počinje teći s danom zamjene. U slučaju manjeg popravka, garantni rok se produžava onoliko koliko je Kupac bio lišen upotrebe opreme.

Član 5.

Dobavljač prema članu 72. stav 6 Zakona nema pravo zapošljavati u svrhu izvršenja ugovora o javnoj nabavci, lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 6.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Općinskog suda u Sarajevu.

Član 7.

Na ostala prava i obaveze ugovornih strana, koje nisu regulisane ovim Ugovorom, primjenjivati će se odredbe Zakona o obligacionim odnosima.

Član 8.

Ovaj Ugovor se zaključuje na određeni period do realizacije nabavke iz člana 1. i 3. ovog Ugovora i postupanja Dobavljača po eventualnim primjedbama Kupca, u pogledu nedostataka vezanih za kvalitet i realizaciju nabave.

Član 9.

Ovaj Ugovor stupa na snagu danom potpisivanja obje ugovorne strane.

Član 10.

Ugovor je načinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

ZA DOBAVLJAČA :

Alpro doo Sarajevo



[Signature]
izvršni direktor

Broj : 05/20

Datum : 10.08.2020

ZA KUPCA :

Građevinski fakultet u Sarajevu



[Signature]
Prof. dr. Samir Dolarević, dipl.inž.grad.

Broj : 04-1-33-23-9/20

Datum : 30.07.2020